



Inatsisartunut ilaasortaq, Mette Arqe-Hammeken
inatsisartut@ina.alla.gl

**Nunanit allanit umiarsuit Kalaallit Nunaanniittut pillugit § 37 naapertorlugu
apeqqutaammut 2025-215-imut akissut**

Dato: 06-01-2026
Sagsnr.: 2025 - 26261
ID. nr.: 79378466

Asasara Mette Arqe-Hammeken

Inatsisartut suleriaasianni § 37 naapertorlugu nunanit allanit umiarsuit Kalaallit Nunaanniittut pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqquut 1: Nunanit allaniit umiarsuarujussuit, umiarsuit, umiarsuaaqqat
tingerlaataannaatillillu takortariartaatit Kalaallit nunatsinni piniartut, aalisartut
sunngiffimmilu piniarsinnaanermut allagartallit piniariarfiinut
tikeqqusaajunnaartissinnaappat?**

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup apeqqutip akissuteqarfigineqarnissaanut Inuussutissarsiornermut, Aatsitassanut, Nukissiornermut Isorliunerusunullu Naalakkersuisoqarfik isumassarsiorfigaa. Tassanngaanniit imatut paasissutissiisoqarpoq:

'Nunanit allanit umiarsuit, angallatit, umiatsiat takornariartaatillu piniariarfinnut aallaaniarfinnullu tikinnissaannut maleruagassiuussinissaq periarfissaqarpoq. Tamanna inatsisinut atuuttunut sinaakkutissat iluani pisussaavoq, aammalu najukkani soqutigisallit takornariaqarnermillu ineriartortitsinerit ataqqineqartussaapput.

Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat (nr. 9, 3. Februaari 2025-meersoq) naapertorlugu killeqarfinnut immikkoortiterisoqarsinnaavoq, taakkunungalu piniariarfiit aallaaniarfiillu, killigitassanik immikkut ittunik aalajangersaaffiusut ilaatinneqarput."

Apeqquut 1a: Aappiuppat tamanna qanoq anguniassallugu pitsaanerpaava?

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup apeqqutip akissuteqarfigineqarnissaanut Inuussutissarsiornermut, Aatsitassanut, Nukissiornermut Isorliunerusunullu Naalakkersuisoqarfik isumassarsiorfigaa. Tassanngaanniit imatut paasissutissiisoqarpoq:

"Suliap ingerlanneqarnerata nassatarisaanik kommunit innuttaasut, inuussutissarsiortut soqutigisallillu attuumassutillit kissaataannik pisariaqartitaannillu katersuisarput. Siunnersuutit taakku Naalakkersuisunut, tamanut ammasumik tusarniaasoqareernerani

aalajangiisussanut nassiunneqartarput. Killeqarfinnut
immikkoortiterisoqassappat, tamanna nalunaaruteqarnikkut
saqqummiunneqassaaq, taamaalillunilu sumiiffimmut pineqartumut
tikissinnaanermut maleruagassat ersarissut inatsisitigullu tunngaveqartut
qulakkeerneqassapput.

Taamatut periaaseqarnermi maleruagassiuussinerup najukkani
inuiaqatigiinnik suleqateqarluni, aammalu ileqquusumik
inuussutissarsiortut takornariaqarnerullu eqqarsaatigalugit
ingerlanneqarnissaa qulakkeerneqassaaq.

Inerteqqutaasumik annisseriartoqartoq ilisimaneqarpat, tamanna ernerluni
politiinut nalunaarutigineqartariaqarpoq imaluunniit Namminersorlutik
Oqartussanut ilisimatitsisoqartariaqarpoq, taamaalilluni oqartussaasut
attuumassutillit maleruagassat atuuttut naapertorlugit suliaq
isumagisinnaassammassuk."

**Apeqqut 2: Ilumoorpa nunanit allaniit umiarsuit takornarissat nunatsinni tikittartut
nunatta pissarititaanik nalilinnik tigooraasartut taamaalilluni nunarput
akuersissutaanngitsumik oorisiorfigalugu pisut?**

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup
apeqqutip akissuteqarfigneqarnissaanut Inuussutissarsiornermut, Aatsitassanut,
Nukissiornermut Isorliunerusunullu Naalakkersuisoqarfik isumassarsiorfigaa.
Tassanngaanniit imatut paasissutissiisoqarpoq:

""Nalillit" oqaatigineqarnerini sorpiaat pineqarnerisut ersarinngilaq.
Matumani aatsitassarsiorneq innersuussutigineqarsimappat una
atuuppoq:

Pisuni ataasiakkaani akuersissummik pisariaqartumik peqarani
aatsitassanik annissisoqarsinnaasoq Naalakkersuisut ilisimavaat.
Tamanna ilaatigut llanngaaserisoqarnermi Oqartussaasut pisuni taamatut
ittuni aatsitassanik maleruagassanik atuuttunik unioqqutitsilluni
anniseriarneqartunik arsaarinnittarnerisigut paasineqartarpoq.

Unioqqutitsilluni aatsitassanik annissisarnerit pakkersimaarniarlugit
suleraatsimik maleruagassiuunneqartumik pilersitsisoqarsimavoq,
tassanilu Aatsitassaqaqarnermut Oqartussaasut inatsisit atuuttut
naapertorlugit avammut annissinissamut akuersissutitik tunniussisarput,
llanngaaserisoqarnermilu Oqartussaasut annissinernik
nakkutilliisussaapput. Misissuisarnerit aalajangersimasunik
tunngavissalimilluunniit pasitsaassinernik tunngaveqartarput.

Taamatut periaaseqarnermi atuinert avammullu annissinerit
maleruagassat atuuttut naapertorlugit ingerlasarnissaat
qulakkeerneqartussaavoq."

Pisunik aalajangersimasunik uppersararneqarsimasunilluunniit, nunanit allanit umiarsuit
takornariartaatit sullissisulluunniit allat nalilinnik anngiortumik nunatsinniit
annissuisarnerinut tunngasunik Naalakkersuisut ilisimasaqanngillat. Tamanna

tunngavigalugu pineqartoq pillugu sukumiisumik tunngavissalimmilluunniit naliliinissaq ajornarpoq.

Apeqput 3: Qanoq qanorlu akulikitsigisumik umiarsuit nunatta avataaneersut nakkutigineqartarpat?

Akissut: Matumani "nakkutilliineq" qanoq ittoq innersuussutigineqarnersoq ersarinngilaq, akuttunngitsumik oqartussaasut assigiinngitsut assigiinngitsunik tunngaveqarlutik umiarsuarnik misissuisarmata. Angallatit nunanit allaneersut, Kalaallit Nunaata imartaani tikittut angalasulluunniit tamarmik tikinnerminnik, ornitaminnik aamma Kalaallit Nunaanniinnerminni angalanissamut pilersaarutiminnik nalunaaruteqarnissamut pisussaapput. Paasissutissat taakku GREENPOS-imut, Illersornissaqarfiup Kalaallit Nunaata imartaani angallannermik alapernaarsuineranut ataqatigiissaarineranullu atorneqartumut nalunaarutigineqartarput.

GREENPOS-ikkut nakkutilliinerup saniatigut nunanit allanit angallatit, nalaatsornikkut toqqakkat nunatsinni umiarsualivinnut tikikkaangata misissuiffigineqartarput. Nalaatsornikkut toqqakkanik misissuinerit taakku llanngaaserisoqarnermi Aqutsisoqarfimmit suliarineqartarput.

Apeqput 4: Nunaqavissunut illersuinerua takornarissat umiarsui ilalumi aamma ukiumi qamuterallannik piniariarfinni angalaartut akueriinnassagutsigit?

Akissut: Nunap inuiisa illersorneqarnissaat, aammalu piniarnissamut atugassarititaasunik pitsaanerpaanik qulakkeeriffigineqarnissaat Naalakkersuisuinut pingaartilluinnarneqarpoq.

Apeqput 1-imut aamma 1a-mut akissutit innersuussutigineqarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluq B. Egede